

16 June 2025.18:15 Hrs

## Headlines

- प्रधानमंत्री नरेन्द्र मोदी साइप्रस दे सब्बने शा बड्डे नागरिक सम्मान “ग्रैंड क्रॉस ऑफ द आर्डर ऑफ मैकारियोस थर्ड” कन्नै सम्मानित।
- उपराज्यपाल मनोज सिन्हा होर अज्ज शेर-ए-कश्मीर पुलस अकादमी च प्रोबेश्नर डी.एस.पीएं ते सब इन्स्पेक्टरें दी पासिंग आउट परेड च शामिल होए।
- सेहत मंत्री सकीना इत्तू होरें आखेआ ऐ जे औंदी अमरनाथें दी जात्तरा लेई सेहत सुविधाएं दी सुद्दी बवस्था कीती गेदी ऐ।
- मुल्लवै च 16मी मरदमशुमारी पैहली अक्तूबर 2026 थमां शुरू होग, एहू कम्म द'ऊं गेडें च सबूरा कीता जाग।



## PM Honour (byte)

प्रधानमंत्री नरेन्द्र मोदी होरें'गी साइप्रस दे सब्बने शा उच्चै नागरिक सम्मान “ग्रैंड क्रॉस ऑफ द आर्डर ऑफ मैकारियोस थर्ड” कन्नै सम्मानित कीता गेआ ऐ। एहू सम्मान प्रधानमंत्री मोदी होरें'गी निकोसिया दे राष्ट्रपति भवन च इक बशेश समारोह दे दरान उत्थुं दे राष्ट्रपति निकोस क्रिस्टो-डोलीडीज होरें भेंट कीता। साइप्रस दे पैहले राष्ट्रपति आर्क-बिशप मैकारियोस थर्ड हुं'दे नांऽ पर दित्ता जाने आहला एहू सम्मान, राष्ट्र अध्यक्षें ते आलमी सतह दे नेताएं गी उं'दी असाधारण उपलब्धि ते जोगदानें लेई दित्ता जंदा ऐ। इस सम्मान पर आभार व्यक्त करदे होई प्रधानमंत्री नरेन्द्र मोदी होरें आखेआ जे एहू छडा उं'दा नेई सगुआं भारत दे 140 करोड़ लोकें दा

सम्मान ऐ। श्री मोदी हुं'दी एहू यात्रा साइप्रस च पिच्छले द'उं दहाकें च कुसै भारती प्रधानमंत्री हुं'दी एहू पैहली यात्रा ऐ। इस मौके पर श्री मोदी होरें आखेआ

<><><><><><>

### LG-Passing Out (byte)

लेफ्टिनेंट गवर्नर मनोज सिन्हा होरें अज्ज आखेआ ऐ जे जम्मू-कश्मीर दी धरतै थमां आतंकवाद दा समूलचा नास करना उंदी सब्भनें शा बड्डी प्राथमिकता ऐ। उ'नें आखेआ जे जम्मू-कश्मीर पुलस इक मता व्यापक नजरिया अपनांदे होई खूफिया एजेंसिएं, समुदायें, अज्जै-कल्लै दिएं तकनीकें ते बक्ख-बक्ख एजेंसिएं दे साथ-सैह्योग कन्नै इस दिशा च अगगे बधना लोड्चदा ऐ। श्री सिन्हा होरें एहू गल्ल अज्ज उधमपुर दी शेरे कश्मीर पुलस अकैडमी च सखेत्रु डीएसपी-एं दे 17में बैच ते सखेत्रु सब-इंस्पेक्टरें दे 26में बैच दी पासिंग आउट परेड गी संबोधित करदे होई आखी। एलजी सिन्हा होरें आखेआ

<><><><><><>

### Health-Facilities-SANJY

सेहत मंत्री सकीना इत्तू होरें आखेआ जे 3 जुलाई थमां शुरू होआ'रदी श्री अमरनाथ दी जात्तरा दौरान श्रद्धालुएं लेई सेहत सरबंधी सब्बै स्थूलतां, दस्तयाब करोआइयां जाडना सेहत मंत्री होरें सोनमर्ग दा दौरा लाइयै उत्थे मेडिकल स्थूलतें दी उपलब्धता दा तफसीली जायजा लैता। उन्दे कन्नै कंगन थमां विधायक मियां मेहर अली ते होरनें आला अधिकारी बी मौजूद हे। मीडिया आहलें कन्नै गल्ल करदे होई मंत्री सकीना इत्तू होरें गलाया जे सरकार पूरी रमानदारी कननै श्रद्धालुएं गी मेडिकल सुविधा उपलब्ध करोआने लेई बचने बज्झी दी ऐ तां जे जाततरा गी बवस्थित ढंग्गै नै तोड चाढोआ जाई सकै।

<><><><><><>

### DC-Jammu SANJY (Byte)

जम्मू दे डिप्टी कमिशनर सचिन कुमार वैश्य होरें आखेआ ऐ जे औंदी श्री अमरनाथ जी दी सलाना जात्तरा लेई व्यापक प्रबंध ते तैयारियां करी लैती गेदिआं न ते चेचे तौर पर ध्यान श्रद्धालुएं दी सुरक्षा ते सुविधाएं बक्खी दित्ता जा'रदा ऐ। उ'नें दस्सेआ ऐ जे श्री अमरनाथ जात्तरा दे भगवती नगर जम्मू आहले आधार शिविर च बी तैयारियां जोरें-शोरें जारी ना। एह्दे अलावा जम्मू रेलवे स्टेशन आहले जात्तरा सेंटर पर बी सब्भै लोडचदे बंदोबस्त करी लैते गेदे ना। डिप्टी कमिशनर होरें आखेआ जे पिच्छले ब'रे दे मुकाबले ऐगती श्रद्धालुएं गी बेह्तरिन सुविधां उपलब्ध करोआने बक्खी चेचा ध्यान दित्ता जा'रदा ऐ। उ'नें आखेआ

<><><><><><>

### Prog. Announcement Yoga

आकाशवाणी जम्मू दा क्षेत्रीय समाचार, एकांश अंतर्राष्ट्रीय योग दिवस पर 20 मिंटे दा इक खास कार्यक्रम पेश करा करदा ऐ। जेह्दा प्रसारण 18 जून गी बडलै 7 बज्जियै 10 मिंट पर कीता जाग। कार्यक्रम च साढियां परौहिनयां होंगन मन्त्री परमन्त्री दियां योग आचार्य डॉ. सुजाता संथु। सुजाता होर साढे जीवन च योग दे महत्व बारे अपने बचार सांझे करगंन। चर्चा दी मेजबानी साढे न्यूज एंकर श्रुति खजूरिया ते कुणाल श्रीवत्स करगंन। एह् कार्यक्रम तुस मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

### Census

सरकारै अज्ज देसै च मरदमशुमारी कराये जाने दी अधिसूचना जारी करी दित्ती ऐ। गृह मंत्रालय पास्सेआ जारी कीती गेदी इक अधिसूचना च आखेआ गेआ ऐ जे मरदमशुमारी लेई संदर्भ तरीक पैहली मार्च 2027 होगा। केंद्रशासित प्रदेश लद्दाख ते जम्मू-कश्मीर दे बर्फीले इलाकें सने हिमाचल प्रदेश ते उत्तराखंड लेई एह् तरीक लागू नेई होगा। लद्दाख, जम्मू-कश्मीर, हिमाचल प्रदेश ते उत्तराखंड च मरदमशुमारी पैहली अक्तूबर 2026 थमां करोआई जाह्ग। एह् भारत दी 16मीं राश्ट्रीय जनगणना होग ते मुल्ब दे आजाद होने दे बाद 8मीं मरदमशुमारी होग। एह्दा कम्म द'उं चरणें च तोढ चाढेआ जाह्ग ते एह्दे च जातिगत गणना बी शामिल होग।



## Dharti Abha-Doda

जिला प्रशासन डोडा नै धरती आबा जनभागीदारी अभियान तैहत अज्ज टाउन हाल डोडा च इक विशेष जागरूकता शिविर दा आयोजन कीता। डिप्टी कमिशनर हरविंद्र सिंह होर जेडे इस कार्यक्रम च मुख परौहने दे तौरा पर शामिल होए। उनें भगवान बिरसा मुंडा होरें गी श्रद्धांजलि अर्पित कीती ते आखेआ जे जनजातीय समुदाय दे पूरे-पराते विकास गी यकीनी बनाने लेई बेहतर ढांचागत स्थूलतां जिआं जे शिड़कां, सेहत सुविधां, शिक्षा ते होर दुइयें स्थूलतें गी बेहतर बनाना लोड़चदा ऐ तां जे समावेशी विकास यकीनी कीता जाई सकै। डी.सी होरें जानकारी दिती जे बक्ख-बक्ख योजनाएं तैहत 15 जनजातीय ग्राएं दी पंछान करी लैती गेदी ऐ। उनें आखेआ।



## Dharti-Abha

तुआई, रामबन जिले च बटोत तहसील दी चकवा पंचैत च बी इस्सलै जारी 15 रोजा धरती आभा जन भागीदारी अभियान तैहत इक जागरूकता कैंप दा सरिस्ता कीता गेआ। इस मौके पर बक्ख-बक्ख मैहकमें थमां माहिरें गद्दी जनजातीय समुदाय दे लोकें गी सरकार आसेआ चलाई जा'रदी बक्ख-बक्ख योजनाएं बारै जानकारी दिती ते उन्दे आसेआ पुट्टे गेदे मसलें गी बी सुनेआ ते किश दे मौके पर गै नबेडा बी कीता गेआ।



## Badminton

आपरेशन सिंदूर तैहत पुंछ जिले दे श्री कृष्ण चंद्र डिग्री कालेज पुंछ च फौज नै इंडोर बैडमिंटन हाल दी मरम्मत करियै इसी नमे सिरेआ सोआरने दा कम्म मुकम्मल करी लैता ऐ जिसी इक सादे समारोह दौरान औपचारिक तौरा पर कालेज दे सुपुर्द कीता गेआ। इस मौके 93 इन्फेंटरी ब्रिगेड दे कमांडर ब्रिगेडियर मुदित महाजन, जिला विकास कमिशनर विकास कुंडल ते अतिरिक्त पुलस सुप्रिंटेंडेंट मोहन शर्मा बी मजूद हे। फौज आसेआ बैडमिंटन

हाल सौंपे जाने दे बाद उत्थे इक दोस्ताना मैच बी खेडुआ गोआ। इस मौके आकाशवाणी समाचार कन्नै गल्ल करदे होई ब्रिगेडियर मुदित महाजन होरें आखेआ।

<><><><><><>

## Chess-Poonch

पुंछ दे जिला विकास कमिशनर विकास कुंडल होरें जिला मुख्यालय च दुई जिला मैजिस्ट्रेट ओपन चेस चैंपियनशिप दा उद्घाटन कीता। 5एं दिनें दे इस आयोजन च बक्ख-बक्ख आयु वर्गे दे कोई 70 खडारी हिस्सा लै करदे न। इस चैंपियनशिप गी लेइयै खडारियें च मता उत्साह दिक्खने गी लब्बै करदा ऐ जेडे जिले दे बक्ख-बक्ख हिस्सें थमां एहदे च शिरकत लेई आए देन। इस बारै आकाशवाणी समाचार कन्नै गल्ल करदे होई जिला विकास कमिशनर विकास कुंडल होरें शतरंज दे महत्वै पर लो पांदे होई आखेआ।

<><><><><><>